

Siusinaartumik pensionisiat pillugit Inatsisartut peqqussutaata allanngortinneqarnissaa pillugu Inatsisartut peqqussutaat (Siusinaartumik pensionisiat annertussusaannik allannguut, toqusoqartillugu aningaasanik tunniussisarnerit atorunnaarsinneqarneri kiisalu oqaatsitigut erseqqissaanerit)

§ 1

Siusinaartumik pensionisiat pillugit Inatsisartut peqqussutaat nr. 4, 7. maj 2007-meersoq, Inatsisartut peqqussutaat nr. 1, 26. november 2009-meersumi allanngortinneqarsimasoq imatut allanngortinniarneqarpoq:

1. § 8 ima oqaasertalerneqassaaq:

”§ 8. Siusinaartumik pensionisiat imatut annertussuseqarput:

- 1) Siusinaartumik pensionisialimmut kisermaamut ukiumut 100.000 kr.-nit,
- 2) Aappariinnut, aappaannaa siusinaartumik pensionisiaqarpat, ukiumut 100.000 kr.-nit aamma aappaasoq pisortanit pensionisianik sunilluunniit pisartagaqanngippat.
- 3) Aappariinnut tamarmik siusinaartumik pensionisiaqarsinaatitaasunut ukiumut 150.000 kr.-nit.

Imm. 2. Aappariit, aappaa siusinaartumik pensionisiaqarpat aappaalu utoqqalinermi pensionisiaqarpat, pensionisiat tamakkiisut ukiumut 152.600 kr.-nit.

Imm. 3. Imm. 1-imi aamma 2-mi aningaasat taaneqartut Naatsorsueqqissaartarfiup atuisunut akitigititaanut naleqqersuutaa tamanut saqqummiunneqartoq tunngavigalugu naatsorsorneqartassapput. Siusinaartumik pensionisiassat atuisunut akigititanut naleqqersuutip pointinik pingasunik allanngorneratigut 3 %-imik iluarsineqartassaaq. Iluarsineq januarip aallaqqaataani siullermi tulluuttumiit atuutilertassaaq, julip aallaqqaataani atuisunut akigititanut naleqqersuut tunngavigalugu.

Imm. 4. Aningaasat iluarsineqarsimasut ukiut tamaasa januarip aallaqqaataani Naalakkersuisunit tamanut saqqummiunneqartassapput.”

2. § 9, imm. 2 ima oqaasertalerneqassaaq:

”Imm. 2. Siusinaartumik pensionisiaqarnissaaq appartinneqassaaq isertitassatut akileraarutaasussatut killiliunneqarsimasut qaangerlugit qaffakkiartuaarsimappata:

- 1) Siusinaartumik pensionisialimmut kisermaamut ukiumut 180.000 kr.-nit.
- 2) Aappariit tamarmik siusinaartumik pensionisiaqarsimappata ukiumut 270.000 kr.-nit.

3) Aappariinnut, aappaannaa siusinaartumik pensionisiaqarpat, aapparisa pisortanit pensionisianik sunilluunniit pisartagaqanngippat ukiumut 270.000 kr.-nit.

4) Aappariinnut, aappaa siusinaartumik pensionisiaqarpat aappaalu utoqqaliner mi pensionisiaqarpat ukiumut 300.000 kr.-nit.”

3. § 18 ima oqaasertalerneqassaaq:

”§ 18. Utoqqaliner mi pensionisiaqartut kommunimut Naalakkersuisunulluunniit nalunaaruteqarnissamik pisussaatisaapput, utoqqaliner mi pensionisiamik iluarsiivigineqarnissaannik unitsinneqarnissaannilluunniit kinguneqarsinnaasumik inuttut atugarisamigut aningaasaqarnermigullu allannguuteqartoqarpat.

Imm. 2. Siusinaartumik pensionisiaqartitaaneq atorunnaassaaq piumasaqaataasut eqquutsinneqarsinnaajunnaarpata imaluunniit tunniussineq eqqunngitsumik tunngaveqarsimappat.

Imm. 3. Inuttut atugarisanut aningaasaqarnermullu tunngasutigut eqqunngitsumik paasissutissiisimaneq tunngavigalugu pissusissamisuunngitsunik utoqqaliner mi pensionisiaqartitsisoqarsimappat, aningaasat pisassarinnngisat utertillugit akilernerneqarnissaat piumasaqaataasinnaavoq, imaluunniit pensionisiassanit ilanngaatilugit akilersorlugit unerartinneqarsinnaallutik.”

4. § 21 imaoqaasertalerneqassaaq:

”§ 21. Kommunalbestyrelsi naliliippat siusinaartumik pensionisiallip aningaasaqarnini isumagisinnaannngikkaa, siusinaarluni pensionisiat, matumani inummut tapiutit meeqqallu tapii ilanngullugu aqutsivigineqarnissaat aalajangiiffigineqarsinnaavoq.”

5. § 22, *imm. 2* ilanngunneqassaaq:

”*Imm. 3.* Pensionisiaqartup toquneranut atatillugu aappariinni qimanneqartoq, § 4 naapertorlugu qaammammi toqqukkut qimaguffiusup naanerata kingorna qaammatini marlunni siusinaartumik pensionisiassaanik tigusaqartassasoq.”

§ 2

Inatsisartut peqqussutaat 1. juli 2010-mi atuutilissaaq.

Kalaallit Nunaanni Namminersorlutik Oqartussat 31. maj 2010

Kuupik Kleist

/

Maliina Abelsen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut